

ՏՈՆԱՅՈՒՅՑ

1. Փետրվարի 12 Վարդանանց տոն:
2. Փետրվարի 15՝ Բուն Բարեկենդան, Սուրբ Պատարագ, որի ընթացքում կնժենք վարդանանց տոնը: Սուրբ Պատարագին ներկա կլինի Վատիկանի հարգարժան դեսպան Արքեպիսկոպոս Իվան Յուրկովիչը: Պատարագի ավարտին տեղի կունենա Մոխրոց՝ Հիշիր, ով մարդ, հող էիր, հող կդառնաս: Սկիզբը՝ ժամը 15:30:
3. Փետրվարի 16-ից Ապրիլի 4՝ Մեծ Պահքի ժամանակաշրջան:
4. Մարտի 25՝ Սուրբ Կույս Մարիամի Ավետման տոն:
5. Մարտի 29՝ Ծաղկազարդ, Ուտօրինեք և Դոնրացեք:
6. Ապրիլի 5՝ Սուրբ ԶԱՏԻԿ, Պատարագ՝ ժամը 15:30:
7. Ապրիլի 6՝ Օր մեռելոց: Պատարագ ժամը 13:00

Խմբագրումը և ձևավորումը՝ Վարդուհի Ասատրյանի
Մեր հասցեն՝ ր. Москва, ул. Малая Грузинская д. 19/2
Հեռախոսներ՝
+7 (965) 258 68 41(Վ. Ասատրյան)
+ 7(926) 904 91 49 (Հայր Պետրոս Ծայրագույն Վարդապետ Պետրոսյան)
E-mail - am.armcatholik@mail.ru, anusharts@mail.ru, ppetros@libero.it
<http://armcatholik.ru>



ԿՈՉՆԱԿ 3.8

8 ՓԵՏՐՎԱՐԻ 2015թ.



ՄՈՍԿՎԱՅԻ ՀԱՅ ԿԱԹՈՂԻԿԵ ԺՈՂՈՎՐԴԱՊԵՏՈՒԹՅՈՒՆ

ԿԻՐԱԿՆՕՐՅԱ ԸՆԹԵՐՑՈՒՄՆԵՐ

Տիտոսի 1, 1-11

1 Պօղոսը՝ ծառայ Աստծու եւ առաքեալ Յիսուս Քրիստոսի, որ կոչուած է բերելու Աստծու ընտրեալներին հաւատի եւ ճշմարտութեան գիտութեանը, որ աստուածապաշտութեամբ է՝ եւ յաւիտենական կեանքի յոյսով, որը խոստացաւ անսուտն Աստուած յաւիտենական ժամանակներից առաջ,² Բայց յայտնեց իր խօսքը իր ժամանակին՝ քարոզութեամբ, որին եւ հաւատարիմ եղայ ըստ մեր Փրկիչ Աստծու հրամանի.³ Տիտոսին՝ հասարակաց հաւատի մէջ իմ սիրելի որդուն, շնորհ եւ խաղաղութի՛ն Հայր Աստծուց եւ մեր Փրկիչ Քրիստոս Յիսուսից:⁴ Դրա համար իսկ քեզ թողեցի Կրետեում, որպէսզի, ինչ պակաս բան որ կայ, ուղղես եւ իւրաքանչիւր քաղաքում երեցներ կարգես, ինչպէս որ ես պատուիրեցի քեզ:⁵ Կարգես մի այնպիսի մարդու, որ լինի անբասիր, մե՛կ կնոջ մարդ, ունենայ հաւատացեալ որդիներ, որոնք անառակութեան մէջ ամբաստանուած կամ անհնազանդ չլինեն,⁷ քանի որ պետք է, որ եպիսկոպոսն անբասիր լինի, որպէս Աստծու տնտես. ոչ յանդուգն, ոչ բարկացող, ոչ անարգող, ոչ կռուարար, ոչ շահասէր,⁸ այլ՝ հիւրասէր, բարեսէր, խոհեմ, արդար, սուրբ, ժուժկալ,⁹ ամուր կապուած վարդապետութեան հաւատի խօսքին, որպէսզի կարողանայ յորդորել ողջամիտ վարդապետութեամբ եւ կշտամբել հակառակորդներին.¹⁰ Քանզի անհնազանդներ շատ կան, դատարկախօսներ, մոլորեցնողներ, մանաւանդ եթէ հրեւոթինից դարձածներից են.¹¹ Նրանց բերանը պետք է փակել. նրանք կործանում են բոլոր ընտանիքները եւ շահամոլութեան համար ուսուցանում են այնպիսի բաներ, որ պետք չէ ուսուցանել:

Լրացրո՛ւ սկանվորդը

					
					
					
					
					
					
					
					
					

Հովհաննեսի Ավետարանը 6, 59-72

⁵⁹Այս է հացը, որ երկնքից է իջած. ոչ այնպէս, ինչպէս մանանան, որը ձեր հայրերը կերան եւ մեռան. ով այս հացն ուտում է, կ'ապրի յաւիտեան»: ⁶⁰Նա այս բաներն ասաց Կափառնայումի մէջ ժողովարանում ուսուցանելիս: ⁶¹Եւ աշակերտներից շատերը, երբ լսեցին, ասացին. «Խիստ է այդ խօսքը. ո՞վ կարող է այն լսել»: ⁶²Յիսուս երբ ինքն իրենից իմացաւ, որ իր աշակերտները դրա համար տրտնջում են, նրանց ասաց. «Այդ ձեզ գայթակղեցնո՞ւմ է. ⁶³իսկ արդ, եթէ տեսնէք մարդու Որդուն բարձրանալիս այնտեղ, ուր առաջ էր...»: ⁶⁴«Հոգին է կենդանարար. մարմինը ոչ մի բան չի կարող անել: Այն խօսքը, որ ես ձեզ ասացի, հոգի է եւ կեանք: ⁶⁵Բայց ձեր մէջ կան ոմանք, որ չեն հաւատում»: Քանի որ Յիսուս սկզբից գիտէր, թէ ովքեր են նրանք, որ չեն հաւատում, եւ ով է նա, որ մատնելու է իրեն, ասաց. ⁶⁶«Դրա համար ձեզ ասացի, թէ ոչ ոք չի կարող գալ ինձ մօտ, եթէ այդ իմ Հօրից տրուած չէ նրան»: ⁶⁷Դրա վրայ՝ նրա աշակերտներից շատերը յետ քաշուեցին եւ այլեւս նրա հետ չէին շրջում: ⁶⁸Յիսուս տասներկու աշակերտներին ասաց. «Միթէ դո՞ւք էլ ուզում էք գնալ»: ⁶⁹Միմոն Պետրոսը նրան պատասխանեց. «Տէ՛ր, ո՞ւմ մօտ պիտի գնանք: Դու յաւիտենական կեանքի խօսքեր ունես: ⁷⁰Եւ մենք հաւատացինք եւ ճանաչեցինք, որ դու ես Քրիստոսը՝ Աստծու Որդին»: ⁷¹Յիսուս նրանց պատասխանեց. «Չէ՞ որ ես եմ ընտրել ձեզ՝ Տասներկուսիդ. եւ ձեզանից մէկը սատանայ է»: ⁷²Նա խօսում էր Իսկարիովտացու՝ Միմոնի որդի Յուդայի մասին, որովհետեւ հէնց նա էր մատնելու նրան. եւ Տասներկուսից մէկն էր:

ՀԱՅՏԱՐԱՐՈՒԹՅՈՒՆ

Ապրիլի 26-ին Մոսկվայի Անարատ Հղության մայր տաճարի տարածքում տեղի կունենա միջոցառում, որի ընթացքում Ռուսաստանի հայ կաթողիկէ եկեղեցու կողմից ՀՈՒՇԱԿՈԹՈՂ-ԽԱԶՔԱՐ ԿՏԵՂԱԴՐՎԻ 1915Թ. ՕՍՄԱՆՅԱՆ ԿԱՅՏՐՈՒԹՅԱՆ ԿՈՂՄԻՑ ԻՐԱԿԱՆԱՑՎԱԾ ՀԱՅՈՑ ՑԵՂԱՍՊԱՆՈՒԹՅԱՆ ԶՈՇԵՐԻ ՀԻՇԱՏԱԿԻՆ:

Խաչքարի բացման արարողությանը հրավիրված են բարձրաստիճան անձինք Կաթողիկէ պատրիարքարանից, Հայ Առաքելական եկեղեցուց, Վատիկանից, Ռուսաստանում Վատիկանի նունցիատուրայից (Դեսպանատնից), Ռուս Ուղղափառ եկեղեցուց, Հայաստանի Հանրապետությունից, Ռուսաստանում Հայաստանի դեսպանատնից:

Հրավիրում ենք ներկա գտնվել և հարգանքի տուրք մատուցել:

ՄԻԶՈՑԱՌՄԱՆ ԿԱԶՄԱԿԵՐՊՉԱԿԱՆ ԱՇԽԱՏԱՆՔՆԵՐԻՆ
ԱԶԱԿՑԵԼՈՒ ՆՊԱՏԱԿՈՎ ՀՐԱՎԻՐՈՒՄ ԵՆՔ ԲՈԼՈՐ
ՆՐԱՆՑ, ՈՎՔԵՐ ԱՆՏԱՐԲԵՐ ՉԵՆ ՀԱՅՈՑ ՄԵԾ ՑԱՎԻ
ՆԿԱՏՄԱՄԲ և ԿԱՐՈՂ ԵՆ ԻՐԵՆՑ ԼՈՒՄԱՆ ՆԵՐԴՆԵԼ
ԲՈԼՈՐ ԱՇԽԱՏԱՆՔՆԵՐՆ ԸՍՏ ԱՐԺԱՆՎՈՒՅՆ
ԿԱԶՄԱԿԵՐՊԵԼՈՒ ԳՈՐԾՈՒՄ:

Օգնել ցանկացողները՝ դիմեն վարդապետին:

Ժողովրդապետություն



451 թվականի մայիսին, Ավարայրի ճակատամարտում, հայրենիքի, հայ եկեղեցու եւ քրիստոնեական հավատի պահպանման համար նահատակված Վարդանանց զորավարներն ու 1036 մարտիրոսները Հայ Եկեղեցու մեծագույն սրբերից են: Իրենց նահատակությամբ նրանք հաստատեցին հայ ժողովրդի ապրելու կամքը եւ լինելիության իրավունքը: Հայաստանում քրիստոնեություն ընդունելուց ի վեր Հայ եկեղեցին սերտորեն կապված է եղել հայրենիքի պաշտպանության գործին: Դրա վառ օրինակը Վարդանանց պատերազմն է: Պարսից զորքերի դեմ մղված պատերազմում հայ մարտիկների կողքին էր Հայոց եկեղեցին: Հովսեփ կաթողիկոսի եւ Ղևոնդ Երեցի առաջնորդությամբ:



Մարտից առաջ հայ հոգևորականները ոչ միայն քաջալերում էին զորքին մակաբայեցիների օրինակով, այլև մկրտության և Սբ. Պատարագի խորհրդով առավել ամրապնդում էին նվիրյալների հավատն ու ոգին: «Եվ սեղան կանգնեցնելով՝ ամենասուրբ խորհուրդը կատարեցին, պատրաստեցին նաև ավազան, և եթե զորքի բազմության մեջ չմկրտված մարդ կար, ամբողջ գիշերը մկրտեցին. Եվ առավոտյան Սբ. հաղորդություն ընդունեցին», - գրում է Եղիշե պատմիչը Վարդանանց պատերազմից առաջ կատարվածի մասին: Վարդանանց տոնին հայկական բոլոր եկեղեցիներում մատուցվում է Սբ. Պատարագ:

«Երանի՜ է ձեզ, երբ ձեզ նախատեն ու հալածեն և իմ պատճառով ձեր մասին ամեն տեսակ չար խոսք՝ սուտ ասեն...» (Մատթ. 5,11):

Անհնար է, որ գայթակղություն չգա, անհնար է, որ բարու և չարի պայքար չլինի, անհնար է, որ սատանան ձեզ չփորձի, բայց դուք հաստատուն եղեք:

Աշակերտները տրտնջում էին ասելով: *«Դժվար է ընդունել քո այս խոսքը, ո՞վ կարող է այն լսել» (Հովհ. 6,60):*

Կյանքը պայքար է, մի՛ հուսահատվեք և մի՛ ընկճվեք: *«Ով մինչև վերջ համբերի, նա պիտի փրկվի» (Մատթ. 10,22):*

Երջանկությունն Աստծուն ամեն ինչից առավել սիրելն է: Ռոբվիետոս Աստված առաջինը Ինքն է, որ մարդուն ավելի սիրեց Իր բոլոր արարածներից: Անհնար է, որ մարդու բաղձանքը հանգստանա այլ բաներով, եթե ոչ միայն Աստծով:

Հիսուսը հարցրեց տասներկու աշակերտներին: *«Մի՞ թե դուք էլ եք ուզում գնալ» (Հովհ. 6,67):*

Սիմոն Պետրոսը պատասխանեց: *«Տե՛ր, ո՞ւմ մտ գնանք. Հավիտենական կյանքի տվող խոսքերը դո՛ւ ունես: Մենք հավատացինք և իմացանք, որ դո՛ւ ես Քրիստոսը, Աստծու Սուրբը» (Հովհ. 6,68):*

Առանց Աստծու շնորհի ոչ ոք չի կարող գնալ դեպի գերբնական երջանկությունը, ուստի Աստծուն ժառանգելու համար հարկավոր է շնորհ, որ բխում է Քրիստոսի չարչարանքների արդյունքից:

Երբ փորձության մեջ ենք ընկնում, մտաբերում ենք Հիսուսին: Գիտենք, որ Նրա ճանապարհը շատ փշոտ էր և նեղություններով ու նախատինքներով լիքն էր: Երկրի վրա մարդու կյանքը պատերազմ է և հաղթողներն են մրրցանակին տիրանում: *«Ձեզ համբերություն է պետք, որպեսզի Աստծու կամքը կատարելով, հասնեք նրա խոստմանը, քանի որ մի փոքր, շատ փոքր ժամանակ ևս, և գալու է նա, ով պիտի գա և չպիտի ուշանա»* (Եբր. 10:36-37):

Արթուն և պատրաստ են այն մարդիկ, որոնք Աստծու նկատմամբ սիրով ու հավատով լի են և մանավանդ իրենց բարի ու արդար գործերով, պարզ ու մաքուր աչքերով են նայում աշխարհին: *«Բարի մարդն իր սրտի բարի գանձերից հանում է բարի բաներ, իսկ չար մարդը իր սրտի չար գանձերից հանում է չար բաներ»* (Մատթ. 12,34-35):

Առաքյալները Հիսուսի Համբարձումից և Վերնաստան մեջ Սուրբ Հոգու շնորհները ստանալուց հետո, իրենց քարոզչությունների ընթացքում ենթարկվեցին ամեն տեսակ զրկանքների և չարչարանքների, բայց ոչ մի բռնաբան չթուլացան ու չհեռացան իրենց հավատից: Նրանք ցույց տվեցին, որ իրենց հավատը հաստատված է անխորտակելի մի ժայռի վրա, որին դիպչելով փշրվեցին աշխարհի բոլոր տեսակի փոթորիկները:

«Օրինակ եղի՞ր հավատացյալներին խոսքով, վարմունքով, սիրով, հավատով» (Ա Տիմ. 4, 12):

**Շայրագույն Վարդապետ Հայր Պետրոս Պետրոսյան
Մոսկվա 8 փետրվարի 2015թ.**

Հայոց Մեծ Ցեղասպանության հարյուրամյակին ընդառաջ....

